

نومرو: ۱۳

مارت ۱۳۲۶

ایکنجی سنه

علم حقوق و مقایسہ قوانین مجتہد و عہدہ

ہر آی نشر اولنور

مؤسس و صاحبی:

کرملجنہ مہرئی: محمد عارف

اختراع براتلری

احمد شعیب

مدینتک ترقیسیله انسانلرک اشای مادیه اوزرنده کی حق ملکتری اموال معنویه ده شامل اولغه باشلایه برق کشفیات و اختراعاتک و علی العموم آثار مؤلفینک، کرک فابریقه جی، کرک بر تاجر طرفدن اتخاذ اولنان علامات فارقه ایله عنوان تجارینک بشقه لرینک مداخلاتندن، تعرضاتندن آزاده اوله رق صرف صاحب لرینه عائد اولسی اصولی قبول ایدلمشدر. ایشته بونا ملکیت صناعیه، ملکیت ادبیه و یاخود هپسنه برلکده «ملکیت ذهنیه» دنیلور. اعمال و مساعی بشریه نك بری بدنی ویا مادی دیگرى ذهنی اولمق اوزره ایکیه انقسام ایتدیکی معلومدر. مساعی بدنیه مغرط بر قوت جسمانیه صرفنی ایجاب ایتدیکی حالده مساعی ذهنیه ده فضله بر قوت دماغیه صرفنی استلزام ایلر. مساعی بدنیه اصحابنک صرف ایدمچکلى قوت نتیجه سی اوله رق بر مکافات مادییه مظهریتلری نه قدر لابد ایسه مساعی ذهنیه اصحابنک ده صرف ایتدکلى قواى ذهنیه به مقابلینه بر مکافات مالییه مظهریتلری او قدر لابد؛ او قدر ضروریدر. مادامک جمعیت، ترقیات عمومیه سی ایچون افرا دندن بر قسمنک قوه جسمانیه لرینی دیگر بر قسمنک ده قوه دماغیه لرینی صرف ایتلرینه محتاجدر؛ او حالده بو احتیاجنی استیفا ایتمک ایچون کندیرسه شو صورتله ایفای خدمت ایلینلری مکافاتلندیرمسی پک طبیعی دکلیدر؛ بوندن صرف نظر حق ملکیتک جمعیه تأمینى، مستعد اولدیغى نتایج مهمه دوشونيله چک اولورسه، بونک جهت ذهنیه ده تشمینده محسنات عظیمه موجود اوله جفنى آکلامقده زحمت چکمه ز. هرفردى اعمال و مساعیسنده تشویق و ترغیب ایتمک ترقیات و تکملات صناعیه نقطه نظرندن پک بیوک فائده لر وجوده کتیره بیلن اختراعات و کشفیاتک اصحابنه بر فائده ماله بخش ایلمک مخترع و کاشفلری سیمیه ترغیب ایدمچک اک مهم بر سبب دکلیدر؛ اکر اختراعات

و کشفیات نتایجیندن صاحب‌لری مستفید اوله‌جق ایسه ؛ ارباب تالیف و تحریر طرفندن بردمه میدان انتشاره قونیه‌جق آثار ؛ برمال مباح‌کی هرکس طرفندن ایستلدیکی وجه ایله استعمال ایدیه‌جک ایسه تحریات علمییه بی ، محررلیکی کندیلرینه مسلک اتخاذ ، و قتلرینی دائمی صورتده بوکا صرف ایله‌جک آدم‌لر عجباً جمعیت داخلنده بولنه‌بیلورمی ایدی ؟

دیمک اولورکه موجدرلک ، کاشفرلک ، محررلک ، مؤلفلرک ایجادات و اختراعاتندن ، محررات و مؤلفاتندن بر استفاده مادییه مظهر اولملری ، بونلری وجوده‌کثیرمک ایچون صرف ایلمکده اولدقلری اعمال و مساعی ذهنیه‌لری و برده هر سیک تکلی نه اولورسه اولسون اقتصاد نقطه نظرندن بر اجرتیه استحقاقی طبیعی بولماسندن منبعث بر کیفیتدر . بوجهت معلوم اولدقدن صوکره مملکتک قوانین و نظامات موجوده سیله بوحقک عدم تسلیم‌مک تولید ایله‌بیله‌جکی نتایجی کوزدن کچیره‌لم :

اولا ؛ سویلدیگمز وجهله بر چوق کسه‌لر اثر یازمقله بطندن بطنه انتقال ایدرک یوزلرجه و بلکه بیکلرجه سنه بر چوق همجنس‌لرمزک تلذیز دماغنه ، تنوات ذهنیه‌سنه خدمت ایله‌جک اثرلر وجوده کثیرمکه صرف مساعی ایتیمه‌جکلر ؛ موجدرلر و مخترعلر صنایع اوزرنده درین بر تأثیر حصوله کتیره‌جک ؛ اشترا ایلمکده اولدیفمزمز بر چوق اشیای متنوعه‌مک فی‌اتلرنده تخیل ایدلمز بر تحوّل ایقاع ایدمه‌جک ایجادات و اختراعاتلرینی بالطبع قصر ایله‌جکلری یعنی بونلر ایله مشغول اولیه‌جقلری ایچون شیمدی حیران اولدیفمزمز مخترعات او وقت اصلاً وجود پذیر اولیه‌جقدر .

ثانیاً ؛ جمعیت موجد و مخترعلره بر حق ایجاد و اختراع بخش ایله‌میه‌جک اولسه بونلرک موجدات و مخترعاتلرینی اوزون مدت افشا ایتماملری نتیجه‌سی حصوله کله‌جکدر . یعنی حکومت بر کشف و اختراعتک صاحبی ایجادینی همه‌حال افشا ایلمک‌کی اصول سربستی ایله قابل تالیف اولیه‌جق بر مجبوریته سوق ایتدیکی تقدیرده بو آدم‌لر کشف و اختراعاتلرندن بالذات مستفید اولمق ایچون هیچ کیمسه‌یه طوبورمیه‌جقلردر . حالبوکه بوکون اختراع براتلری سایه‌سندمه موجدرلک حقوق مادییه‌سی تأمین ایدلمش اولدیفندن کشف و اختراع درحال

شیوع بولور و هیچ بر اختراع حال اولیسندده درجه تکمله وارمیدیندن بو کیفیت شیوع ، بر چوق کیمسلرک اواختراع ایله مشغول اولسنی ، انک ایچون ایجاب ایدن جهتلرنی تکمل ایتدیرسنی منتج اولور . بوندن ده طبیعی بتون جمعیت قازانیر .

ثالثاً ، موجد و مخترعلرک حقوقی تأمین ایدیلینجه بونلرک اختراعات صناعیه لرینک حال حیاتلرنده هیچ کشف ایدیلهمه سی و اولوب کیدنجه بواسراری ده برابر کتورمه لری احتمالی موجوددر ؛ که بوده جمعیت ایچون مؤید بر ضرر دیمکدر . بوقدر ضررلره مقابل اختراع براتلری معترضلری عجبا نه کبی دلیلر کوستریورلر ؟

۱. - اختراع براتلریله سربستی رقابت آرمسندده برضدیت وجوده کتیرمک ایستیورلر ؛ که بو بوسبتون یا کلمشدر . ظاهراً مشه د اولان بو منافرت ؛ رقابتک اییجه آکلاشلهماسندن متولد بر خطاددر . فی الحقیقه برکاشفک ، بر موجدک اختراع ایتدیگی شی اوزرنده بر حق مطلق ملکیتی موجود اولنجه بونی عاداتا انحصار صورتنده اداره ایدم جکندن سربستی رقابت میدانن قالدیور ظن ایدیور . فقط حقیقت بو مرکزده دکدر . اولاً ؛ اشاعیده کوریله جکی وجه ایله بر موجدک ایجاد و اختراعی اوزرنده حتی موقت برحقدر ، مؤید دکدر . ثانیاً ، اکثر موجد و مخترعلر ایجاد و اختراعلرنی بدلات معینه مقابلندده ارزو ایدنلره فراغ ایلدکلرندن ؛ و عینی بر ایجادک مختلف مملکتلرده آیری ، آیری فابریقلر طرفندن اشترا و اعمال ایدلسی احتمالی موجود اولدینندن ؛ انحصارک متصور اولان محاذیری بوراده تماماً حصول بوله ماز . بر مدت معینه کچنجه او ایجادک هرکس طرفندن اعمال ایدیله بیله جکی ده باشقه .

۲. - آمریقا ارباب اقتصادندن « قاره » موجد و مخترعلرک ایجادات و اختراعاتلری ایچون ایجاب ایدن معلوماتی جمعیتک خزینئه عمومیه سندن آلمش اولمالرنی و بناء علیه بومالزمه ایله ، بومواد ابتدائیه ایله ترکیب ایتدکاری شی اوزرنده هیچ بر کونا حق ملکیت ادعاسنه صلاحیتلری اولمدیغنی درمیان ایدیور . بر موجد طبقی آخر بر شخصک باغچه سندن چیچک طه پلایان باشقه بر آدم کبدر ، دیور .

فی الحقیقه جمعیتك كافه بطون حالیه ، ماضیه ، مستقبله سی آرمه سنده غایت قوتلی بر ارتباط و مناسبت ذهنیه موجود ایسه ده یعنی بوکون یاشامقده اولانلر اسکی بطنلرك وجوده کتیردکاری آثار بدیمه نك هپسندن استفاده ایتدکاری کبی یارین او برکون کله جك اولان انسال مستقبله ده بزدن اول کلمش کچمش اولانلرك متروکات ذهنیه سندن مستفید اوله جقلردر . بو بر حقیقت در . فقط بو حقیقتلری موجود و کاشف لرك ایجاد و کشفیاتلرینه مقابل بر منفعت مادییه مظهریتلری علیهنده دلیل عدا تمك جائز دکلدرد . بر چوق مواد ابتدائیه واردر که بونلر هیچ بر فائده تولید ایتدکاری حالده بر آرمیه کتیریلنجه یه یعنی مزج و ترکیب اولننجه احتیاجات مهمه عجله و ضروریه مزدن بر بيوك قسمنی استیفا ایده بیلورز . نه طوز ، نه اون ، نه ده امك اعمالی ایچون قوللانیلان مایا هیچ بر شیه یاراماز ایکن بونلر بر امك حاله کلنجه احتیاج غذائیه مزنی استیفایه خدمت ایدمیور . طاش ، کیرچ ، ده میر ، کراسته ، خام حالده هیچ برایش کورمز ایکن بونلر صور مختلفه ایله مزج ایدیلرک بر او وجوده کتیریلنجه بشریتك اك مهم احتیاجاتدن اولان احتیاج سکنا استیفا اولیور . بخار ، الکتریک قوتلری طبیعتده موجود اولماسنه رغماً اسکیدن انسانلر بوقوتدن استفاده ایدمیورلردی . بر موجودك ، بر مخترعك خدمتی دارمه داغنیق بر حالده بولونان معلوماتی طویلامق سنه لرحه مساعی دماغیه صرف ایلیرک بوندن مطلوب اولان غایه نی وجوده کتیرمک جهته معطوف اولیور . عجبا بو همت ، بوسعی ، باشقسنك بفعیه سندن چیچك طویلايان آدمك ا کیلمه سنه مقیس و نبیه اوله بیلمی ؟ همده بوسرقت کبی تلقی اولونابیلمی ؟

۳ - فرانمز سوسیالیستلرندن « پرودون » علی العموم ایجادات و اختراعاتی ایکی به تقسیم ایدمیور: بری مادی شیلر که استهلاک اولور . انسانلرك احتیاجات مختلفه مالیه لرندن هر هانکی برینك استیفا سی ایچوندر . دیکری معنوی در که بونلرده صنعت ، کوزللك موجود اولور . بوایکنجیلرك یعنی محررلرك ، ایدیلرك و وظیفه لری بشریتك سویه عرفانی یوکسلیتمکدر . بو ، انسان اردوسنك معنوی قوماندانلغنی درعهده اتمك اولدیننی ایچون بو وظیفه علویه نی ایضا ایده جك کیمسه لرك اثرلرینه مقابل هم جنسلرندن بر منفعت مالیه یه انتظار ایتلرینی بک

عبث . پك خسیس بر شی بولیور ؛ بونده ده شبهه سز آلدانیور . بویله قیاس یوریدیله جك اولورسه اوزمان نه حکومت مأمورلرینك ، نه معلمرك ، نه ده سائر بویکی رجوق صنوف ساعیه نك هیچ بر اجرته کسب استحقاق ایتمه لمیرنی قبول ایلک اقتضا ایدر . بر وظیفه نه قدر علوی اولور ایسه اولسون بونی ایقایه هرکسك تشویق ایدیله بیلمسی سائق اخلاقدن بشقه برده سائق مادییه محتاجدر ؛ که بوسائق ده منفعت مالیه دن عبارتدر . اگر بوحسی قالدیره جق اولور ایسه که یوزلرجه بیکلرجه کشینك تحریر وتالیفی کندیلرینه مسلك اتخاذ ایتلرینه بر حائل چکمش اولورز . حالیه که پرودونك بحث ایتدیکی اوبیوک قوماندانلنی ایضا ایده جك بر آدم یتیشمک ایچون بیکلرجه کشینك اوموقعه نصب نظر دقت ایتسی ، اویکانه لکی قزانق ایچون چالشمسی لابد ضروری در . کاشفرک مختصرلرک ، حقوق مادیه لری علیهنده بولونان پرودونك سرد ایتدیکی دلیل ایجادات و اختراعاته مهلك بر ضربه ایندیرر .

موجدلرک ، مختصرلرک موجدات و مختراعانلرینه مقابل حقوق مالیه یه مستحق اولدقلری قبول ایدیلنجه بوحقوقک انحصار صورتیه می یوقسه احوال عمومیه دن معدود اولق صورتیه می اعطا ایدلمسی لازم کله جکی موضوع بحث اولور . برنجی صورتده کاشف و مخترعه بر اختراع برآی ویریلور . مدت معینه سی ظرفنده بوندن ایتدیکی کی استفاده ایلک حق کندیسنه عائد اولور . مدتک ختامندن اول اختراعی هرکس طرفندن تطبیق ایدلمز . ایکنجی صورتده ده ایلک کوندن او اختراعی حکومت اشترا ایدر . ایستر ایسه بالذات ایشله تیر ؛ ایستر ایسه نشر و اعلان ایدرک هرکسی بونی تطبیقده سربست براقه بیلور . ایتالیاه ، پورتگیزده بعض ایجادات و اختراعات ایچون بواحوال اتخاذ اولوندینی کورلمشدر .

لکن بزه بویکی اصولدن برنجی یی اتخاذ ایتک ده موافقدر . چونکه بو صورتده حکومتک بودجه سینه بر بار تحمیل ایدلمش اولماز ؛ و ایجادک کافه نتایجی آبی ، فنا صاحبه عائد اولور .

اختراع براتلری مسأله سنده نظر دفته آله جق بر اوچنجی نقطه ده حق ایجاد و اختراعتک نهدن طولانی مؤبد اولمایوبده وقت اولماسی مسأله سی در :

اساساً حق ملکیت ، نه قدر مطلق نه قدر مؤبد اولور ایسه تولید ایلجه کی منافع و ثمرات ده او قدر زیاده اولور . عجیباً ملکیت ماده ده بو قدر قطعی اولان بو اسبابک ملکیت معنویه ده اشمال ایدلمه سی نه دن منبعثدر ؟ بمضیلری بونی ، ملکیت معنویه ده موجود و مخترعک حصه سی آز ، جمعیتک حصه سی زیاده اولسنه عطف ایدیور .

یوقاریده سويلدیکمز $\llcorner$ بورداده تکرار ایدرز ؛ که اک کوچک برکشف و ایجادک صاحبی بیله کندیسندن اول کلش اولان موجود و مخترعکک نتایج مساعیسندن مستفید اولورسه ده ملکیت معنویه ده حق ملکیتک موقت اولماسی صرف بوندن منبعث بر کیفیت دکدر .

ملکیت معنویه نک سبب و حکمتی نه در ؟ یوقاریده ویردیکمز ایضاحات بو سؤاله بر جواب کافی تشکیل ایده بیلیر . ملکیت معنویه موجودک ، مخترعکک صرف ایلدیکی مساعی ذهنیه نک نتیجه سیدر . اون بش ، یکریمی ، اوتوز ، قرق سنه ایجاد و اختراعندن صورت مهاده ده مستفید اولان بر آدم سعی و عملندن اجرتی تامیله آتش صایله بیلور . بونی مؤبد قیلمه قده هیچ بر فائده موجود دکدر . بلکه ده ضرر واردر . موجودک ، مخترعکک بو اوتوز ، قرق سنه دوام ایدن حقیقک نه قدر مطلق برحق اولدیغنی دوشونیور ایسه ، اختراعنی کندی ملکینده ایستدیکی وجه ایله ایشلته بیلدیکی کی حکومتلر آرمسندده عقد ایدلمش اولان مقاولات و معاهداته استناداً ممالک اجنبیه نک همان هپسندده بالذات ایشلتمک حقیقه مالک اولدینی نظر دفته آلورسه ، - بوقرق سنه ظرفنده وفات ایستدیکی تقدیرده بو حقیقک طبقی اموال منقوله و غیر منقوله سی کی اولادینه ، وارثلرینه انتقال ایلجه کی ده اونودلمسون - بو صورتله بخش اولونان منفعتکک صرف ایدیلن مساعی بی تضمین و تلافی ایده جک بر درجه ده اولدینی تصدیق ایدیلور . بو حقیقک اموال مایه ده مؤبد اولماسی بو اموالک حسن محافظه سنک دائمی بر مصرفه متوقف اولمسندن ، بونلره رعایت ایدلمه دیکی تقدیرده او اموالک محو و خراب اولماسی احتمالکک موجودیتندن منبعثدر ؛ که بو احوال ملکیت معنویه ده موجود دکدر .

عجیباً حکومتلرده اشترا ایستکاری کشفیات و اختراعات و علی العموم آثار ذهنیه اوزرنده معنوی بر حق ملکیت ادعا ایده بیلورلرمی ؟

بعضلری حکومتک وظیفه سی مملکتک ترقیات عمومیه سنی تأمین ایلک اولدییی جهتله بویله بر حق ادعا ایدمه جگنی و بناء علیه بو صورتله اشترا ایلدیکی آثاری ویا کشفیات ویا اختراعاتی در حال بلابلد عمومک پیش استفاده سته وضع ایلسی لازم کلدیکنی سوسیولورلر . فقط بوفکر دوضری دکدر . بو مسأله یی تدقیق اتمک ایچون آثار محرره ايله کشفیات و اختراعات صنایه یی تفریق ایلک لازمدر . بعض اثرلر اولورکه بونلرک افراد طرفندن طبع ایلسی همان قابل اوله مز، خلیجه سرمایه لره متوقف بولونور. حکومت بوکی آثارک طبعی درعهده ایلدیکی وقت طبیعی درکه وضع ایلهدیکی سرمایه یی و بونک فائضی آلمق حقنه مالکدر . بو صورتله بویوک بر فداکارلق اختیاريله میدانل کلن او اثردن استفاده ایدمه جک اولانلر البته بدائی ویرمیلدرلر .

کشفیات و اختراعاته کلنجه : حکومتک بر اختراع براتنه متصرف اولوب اوله ماممی مسأله سی دولتارک فابریقاتور، تاجر اولوب اولمالملری مسأله عمومیه سته تفرع وتعلق ایدر . زراعت ، تجارت ، صناعت کی تشبثات حکومتلردن زیاده افراد ایچون الیریشلی اولدیغندن افرادی چالشمغه سوق ایدن منفعت شخصییه حسباتی مأمورین حکومتده عینی درجه شتده موجود اوله جغندن حکومتلرک چفتجی . تجار ، فابریقای اولمالرینه صورت قطعهده اعتراض اتمک لازم کدیر. فقط بر حکومت قواعد علمیه اقتصادییه مخالف اوله رقی بوکی تشبثاتی درعهده ایلهدیمی آرتق اونک بر اختراع براتنده مالک اوله بیله جکی سوز کوتورمز .

اختراع براتلری حقنده ممالک عثمانیهده جاری اولان اصول و تطبیقاتی و ممالک اجنبیهک بوکا متعلق اولان قوانینی ایضاح ایتزدن اول دولتلر آرمسندده اختراع براتلرینک ، فابریقه مارقلرینک ، تجارت عنوانلرینک محافظه سی مقصدیله عقد ایدیلان معاهدات حقنده برقاچ سوز سوبیلیم :
 بوبابده ایلک معاهده ۱۸۸۳ سنه سنده عقدایدلمشدر؛ که صرف تدقیق ایتدیگمز خصوصاته شاملدر . ۱۸۸۶ سنه سندهده محرر ومؤلفلرک آثارینک محافظه سته دائر برایکنجی معاهده عقد اولمشدر. برنجی معاهده به داخل اولان حکومتلر؛ بلجیقا ، فرانسه ، انکلتزه ، اسپانیا ، ایتالیا ، آمریکا ، فلنک ، پورتیکز ،

سربستان ، اسویچره در . ایکنجی معاهده‌یه داخل اولاندر ایسه آلمانیا ، بلچیکا
اسپانیا ، فرانسه ، انگلتره ، ایتالیا ، اسویچره ... حکومتیدر . بو اتحادک
هر ایکسینکده « برن » شهرنده برزقلم مرکزیهی وارددر . بومعاهداتک اساسی
داخل اتحاد اولان دولتر تبعه‌سینک تماماً یرلیرمه مقیس اولماسیدر . معاهده‌یه
وضع امضا ایدن دولتر تبعه‌سیله او دولترک مالککنده اختیار اقامت ایدوب
مؤسسات صناعیه و تجاریه مالک بولونان دول سائر تبعه‌سیده عینی امتیازادن
مستفید اولور . اتحاد کیرمه‌ین دولتر نه‌زمان آرزو ایدرلرسه دخول ایده‌بیلورلر .
بونک ایچون دیپلوماسی طریقیه اسویچره‌ده‌کی قلمه برقبول نوطه‌سی و یرمه‌لری
اقتضا ایدر . اسویچره حکومتی کیفیتی معاهده‌یه وضع امضا ایتیش اولان دولتره
تبلیغ ایتدیکی‌کی صرف بوخصوصه عائد اولق اوزره برنده نشر ایدلمکده اولان
غزیه‌ده کیفیت درج ایدیلیر . اتحاددن چیقمق ایستیانلرده عینی معامله‌ینی اجرا
ایدرلر . دولتراره‌سنده عقد ایدلمش اولان بومقاوله‌نک صورت موقوت‌ده‌ده تعدیل
و اصلاحی لازم‌کله‌جکسندن داخل اتحاد اولان دولتر مالککنده آراده صیراده
قونفرانس لر انعقاد ایلکده‌در . اُک صوک قونفرانس ۱۹۰۰ سنه‌سنده بروکسلده
عقد اولمش و بعض موادک اصلاحنه قرار ویرمشددر .

دولت علیه : ممالک عثمانیه‌ده ۱۲۹۷ سنه‌سنده نشر ایدیلن اختراع براتی
نظامنامه‌سی فرانسه‌نک ۱۸۴۴ قانونندن عیناً ترجمه ایدلمشددر . صنایعجه یکی بر
اثر وجوده کتیرمک یاخود وسائط جدیده احداث ایتک ، ویاوسائط معلومه‌ینی
صورت جدیدده استعمال ایتک مخترعاتدن معدوددر . ادویه و معالجات ایچون
برده امور صرافیه و مالییه متعلق لایحله‌لر ایچون اختراع براتی اعطاسی جائز
دکدر . کذلک بو ذکر ایتدیکنز تعریفلردن اکلاشیله‌جفی وجه ایله نظریات
علمیه ایچون اختراع براتی طلب اولنه‌ماز . مملکت‌مزدده اختراع براتلرینک مدتی
۵۰ ، ۱۰ ، ۱۵ سنه اولوب براتک مدت دوامنجه بهر سنه نافعده نظارتنه ۲ لیرا
ویرمک اقتضا ایدر . تقسیطی ویرمیانلرک حقوقی ساقط اولور . مع‌مافیه بومدت
برقانون مخصوص ایله تعدید ایدیله‌بیلور . برشی کشف و اختراع ایدن کیمسه
استانبولده طوغریدن طوغری‌یه تجارت نظارتنه ، طشره‌لرده‌ینه تجارت نظارتنه
یاخود ولایته اختراعنک تعریفاتی ، احوالی ، رسم و یلانلرینی ویا نمونه‌لرینی

ورده ویردیکی اورا قك جدولنی لف ایله براسندعا تقدیم ایدر . نافعہ نظارتجه بواختراع حقندہ هیچ برکونه تحقیقات اولیه اجرا ایدلر . کار و ضرر صرف صاحب استدعا یه عائددر . اختراعك صحتی، حقیقتی، یکیلکی، فائده سی، بونلرك هیچ بری حکومتك تحت ضمان و کفالتندہ دکلددر .

دولتك قوه بریه و بحر به سنه عائد اولان کشفیات و اختراعاته دائر ویریلن استدعالرك محتویاتی طوطخانه و بحر یه نظارتنه کوندر یلر ك اوراده تدقیق اولنور . فوایدی تبیین ایدنلره برات ویریلور ایسه ده بونی بالذات استعمال ایتك حقنه مالک اولمایوب حکومت طرفدن اشترا ایدیلور . یرلی و اجنبی مخترعلرك مدالیله لر ایله تلطیف ایدیله جکلرینه دائر نظامنامه ده قید و صراحت موجوددر . نافعہ نظارتی طرفدن ویریلن براتلرك فهرستی مخترعاك تعریفاتیله برابر رسماً غزنه لر ایله اعلان ایدیلور . اساساً موجود اولان بر اختراعك اصلاحي ایچونده اختراع براتی ویرمك جائزدر . فقط بویله بر برات آخر بر شخصه ویریله بیلمك ایچون اصل مخترعاك براتی اوزرندن برسنه کچمش اولمق لازمددر . بویولده ویریلن استدعالرله ملفوفاتی برسنه مرورینه قدر تجارت نظارتندہ مهرلی برطرف ایچنده امانه حفظ ایدیلوب سنه نهایتندہ آچیلور . شاید اصل مخترع استدعا ویرمش ایسه آنککی ترجیح ایدیلور . براختراع صاحبی کندی اختراعنده وجوده کتیرمك تعدیلات و اصلاحات ایچون یا آیری بر برات آلور ؛ یاخود علاوات اختراعیه تصدیقنامه سی ویریلور . بونك خرجی یالکز بردنعه مخصوص اولمق اوزره برلیرادر . اصل اختراعك مدتی نه زمان انقضا پذیر اولور سه بوده اوزمان منقضی اولور . مع مافیه بو کی اختراعات ایچونده ایروجه براختراع براتی اعطاسی و بونك مدت نظامیه اوزره دوام ایتمی جائزدر . اختراع براتلرینی اموال و اشیای سائره کی قماً و یا تماماً آخره فراغ و انتقال ایتك جائزدر . تبعه اجنبیه ده اختراع براتی ویریله بیلور . فقط بونك ایچون برقید وارددر ؛ که اوده مدته عائددر . مثلاً آلمانیا تبعه سندن بری آلمانیا ده اختراعی ایچون ۱۵ سنه مدته برات آلمش اولسه آزدن سکز سنه صکره استانبوله کلوبده اختراعی بزده ده تصدیق ایتدیرمك ایسته سه کندیسنه انجق یدی سنه ایچون امتیاز ویریله بیلور . زیرا بویله اولیه جق اولسه صنایع محلیه نك صنایع

اجنبیہ قارشو رقابتدن محافظہ ایدلمسی قابل اوله ماز . یدی سنه صؤ کره آلمانیده اواختراع اوزرنده انحصار قائمہ جقندن اوجوز استحصال ایدیلہ جک و اوجوز صاتیله جقدر . حال بوکه بز یدی سنه دن زیاده برمدت ایچون کندیسنه امتیاز ویرمش اولور ایسه ک یرلی مستحصللرک اواختراعه موافق اوله رق استحصال ایدہ جکلری اشیا صاتماز ؛ اجنبیلرک کی صاتیلور .

بر اختراع احوال آتیده . کآن لم یکن حکمنده عد ایدیلور :
اولا : نو ایجاد دکل ایسه یعنی استدعا ویرنزدن اول ممالک عثمانیده یادیار اجنبیده موقع فعله کتیریلہ جک صورتده انتشار ایتمش ایسه .
ثانیاً : اساسی اختراع براتی اعطاسنه صالح دکل ایسه ؛ ادویه ، معالجات کی ؛ رابعاً : امنیت عمیه بی ، انتظام و آسایشی ، آداب و اخلاقی مغل و قوانین موضوعیه مخالف برشی ایسه ؛

خامساً : اصل اختراع ایدلدیکی بیان اولنان شینک غیری برشی حقنده ساخته برنام ایله حیلہ کارانه برات اخذ اولنمش ایسه ؛
ساداً : تعریفنامه اختراعتک اجراسنه کافی دکل ایسه ، صورت استعمالی مکملأ ، حقیقۃ کوسترلماش ایسه ؛

سابعاً : علاوات اختراعیه حقنده اصول مشروعیه رعایت اولنماش ایسه ؛
ایشته بوکی احوالده اختراع کآن لم یکن حکمنده اوله جنی کی احوال آتیده مختراعتک حق براتی ساقط اولور :

اولا : تقسیطلری هر سنه ابتداسنده بشین تأدیہ ایتمز ایسه ؛
ثانیاً : اختراع ایدلدیکی شی ؛ بلا عذر ایکی سنه یه قدر ممالک عثمانیده موقع فعله قویماز و یاخورد قویقدن صکره ایکی سنه تعطیل ایدر ایسه ؛
ثالثاً : براتلی اشینانک عینی اولان ممالک اجنبیه معمولاتی مملکتہ ادخال ایدرسه ؛ شو قدر وار که ماکنه مودللری سرکیلره وضع اولنق ، دولتک مساعده سیله تجربہ ایدلمک اوزره جلب اولنه جق معمولات تجارت نظارتک رخصتیه ادخال ایدیلہ بیلور .

قانونه موافق براتی یوق ایکن و یاخورد منقضی اولدینی حالده لوحه ، علامت فارقہ ، تمغہ ، یافته و اعلانلری اوزرینه براتلی عنواتی درج ایلیان ؛ براتله متصرف

دكل ايكن براتلى اولديغى اعلان ايدين وياخود اساساً براتى اولوب ده اعلانلر نده «دولتلك كفالتي يوقدر» عبارتمنى درج ايتيان كيمسه لردن ۲ ليرادن ۵۰ ليرايه قدر جزاي نقدي آلنور. تكررى حالنده بو جزا ايكي مثلى اولور. اختراع براتلر سینه متعلق دعاوى برات صاحبنك اقامشكاهى محلنده كي حقوق محكمه سنده رؤيت ايديلور. فقط يوقاريدنه ذكر ايتديكمز ۴ نجى وبشنجى مادملر ايچون جزا محكمه سنده مدعى عمومى طرفندن ده اقامه دعوى ايديله بيلور. اختراع براتنه متعلق ديكر بعض دعاوى ده واردد كه سینه جزا محكمه سنده رؤيت اولنور. آخرك اختراعى اولان براتلى برشي اعمال، براتك مستند اولديغى وساططلى استعمال ايله برات صاحبنك حقوقنى اخلال ايدنلر تقليد جزاسيله متهم اولورلر. و بونلردن يوزليرا جزاي نقدي آلنور. بوكي اشياى مقدمه يني بيله رك صاتيغه چيقاران، صاقلان، صاتان، ممالك عثمانيه ايدخال ايدين كيمسه لرده عبنى جزايه دوچار اولورلر. كذلك ادوات حربيه، مهمات ناربه دن حربيه وبخربه نظارلرنجه قبول ايدلمش، ايدلامش اولسون انتشارى موجب مضرت اوله جق مخترعانى بلارخصت نشر وفروخت ايدن كيمسه لرده سینه قانون جزا موجبنه دوچار مجازات اولورلر. برسنه ظرفنده ايكي دفعه برفعلى اجرا ايتك مكررك اولوب بوكيلر برآيدن آلتى آيه قدر حبس جزاسنه محكوم اولورلر.

تقليد دعوى لرى متضرر اولان كيمسه طرفندن، مهمات ناربه دعوى لرى ده مدعى عمومى جانبندن اقامه ايديلور. محكمه رئيسى لى الحاجه اهل خبره طرفندن اشياك دفتره قيد ايدلمسنى وياخود توقيفى بيله اجرا ايدم بيلور. مدعى اجنبى ايسه كنديسنك كفالتيه ربطى شرطدر. محكمه رئيسى طرفندن ويريله جك امر تحريرى ايله بوكفالتامه نك صورتى همه حال مدعى عليه اعطا اولغى لازمدر.

اولغز ايسه معاملات واقعه كآن لم يكن حكمنده عد ايديلور. و بوندن متضرر اولان كيمسه مباشر عليه تضييعات دعواسى اقامه ايدم بيلور. كرك اشياى مقدمه كرك محكمه جه قرار ويره لايكى تقديرده آلات وادوات مضبوطه برات صاحبنه اعطا اولنور. اكر مدعى عليه جزا محكمه سنده مدعينك براتك بطلاننى ادعا ايدم جك اولورسه بوكنديسنى مدافعه ايچون سرد ايدلمش بر دليل عد ايديلوب محكمه بودعاينى تدقيق ايله موافق برقرار ويرم بيلور. فقط بوقرار قضيه محكمه

حکم و قوتنده دکلدر . یارین اوبرکون بشقه بریسی جیقوبده بوقرارده استنادآ براتک باطل اولدیفنی ادعا ایدیهیلور؛ چونکه اختراع براتلرینک بطلانیه قرار ویرمک حقوق محکمه لرینک وظائفندیر .

اختراع براتلری حقندمه مالک اجنبیده جاری اولان نظامانه کلنجه : فرانسه ده؛ مخترعلرک حقوق اختراعه لرینه مالکیتلری تا ۱۷۸۹ سنه سندن یعنی سربستی تجارت و صنایعک اعلانی تاریخندن باشلار . بزم قانونده کوردیکمز تفصیلات و ایضاحات تماماً فرانسه قانونندن آلتمش اولدیفنی ایچون بونی آیریجه ایضاحه لزوم یوقدر . بوباده اک صوک قانون ۱۸۸۴ قانونیدر .

آلمانیا — آلمانیا ده مخترعلرک حق اختراعی اون بش سنه دوام ایدر . وقوعولان برکشف و اختراعتک برات اعطاسنه صالح اولوب اولدیفنی ، مستدعینک طلبنک مطابق ، موافق بولنوب بولندیفنی تدقیق ایدلدکدن صکره برات ویریلور . المانیاده اختراع براتی ویریله بیلیمک ایچون اختراعتک یکی اولسی و صنایعجه قابل تطبیق بولنمی اقتضا ایدر . اجزاجیلغه ، مأ کولاته متعلق شیلرله اصول کیمیویه ایله استحصال ایدیان شیلره برات ویریلز . مخترع مطلقاً آلمانجه اوله رق ویردیکی استدعاده کشف و اختراعتک توصیفاتی تماماً بیان ایتلی و رسملری ده لف ایلدیر . کندیسسی اجنبی اولوبده المانیاده اقامتکاهی یوق ایسه مطلقاً اقامتکاهی اولان بروکیل کوسترملیدر .

اختراع براتلری ایچون ویریله جک استدعالتک تدقیقلرله مکلف بر قومیسینون واردر . بوقومیسینونک قراری سکیز هفته ظرفنده استیناف ایدیله بیلور . مخترعلردن برنجی سنه ایچون اوتوز مارق ، ایکنجی سنه ایچون الی مارق آلنور . و صوک هر سنه الی مارق تزايد ایدر . شاید وعده سندن اعتباراً اوچ آی ظرفنده بورسم اعطا ایدیله جک اولورسه برات حق ساقط اولور . استدعا برات ده آیریجه اوتوز مارق رسمه تابعدر . شاید اختراع واقعی براتک الدیفنی تاریخندن اعتباراً اوچ سنه ایشلده میه جک اولورسه مخترعک حق ساقط اولور . آلمانیا نیک قوای بریه و بحریه سنه عائد برکشف و اختراع حکومت جانبندن اشترا اولنور .

انکلتره . — انکلتره ده مخترعلره پاتنت دنیلن بر برات ویریلور . فقط

بونک ایچون اولاً تدقیقات ابتدائیه اجرا اولمق لازم کلور . لوندرده بر « پانت اوفیس » نامیه بر هیأت موجود اولوب کاشف ، مخترع استدعاسنی ، کشف واختراعی ، رسملرنی پالنلرنی کندی آدرسیله برلکده بو ادارهیه ویرر . بوبادهمکی استدعا برانکلز لیرالق تمغا رسمنه تابمدر . موجد استدعاسنه کندی امضاسنی وضع ایدر . شاید اجنبی ایسه انکلز قونسلوسلردن برینک امضاسنی ده برابر اولمق لازم کلور . پانت مدتی اون درت سندهر . براتلر موقت ، قطعی اولهرق وبریلور . هنوز اختراعلرنی آرزو ایتدکلری درجه تکمله واردیرمامش اولان موجدلر موقت بر پانت آلیرلر . بونک حکمی طقوز آیدر . بومدت ظرفنده اختراعلرنی ایشلده بیلورلر . بو طقوز آیک ختامندن اوچ آی صکره قطعی پانتی المق مجبوریتنده درلر . آلزلر ایسه مقلدلر حقارنده تعقیبات قانونیه اجرا ایدهمزلر . ایلک اوچ سنه ایچون اوچ انکلز لیراسی . دردنجی بشنجی الننجی یدنجی سنلر ایچون اون انکلز لیراسی سکزننجی طقوزنجی سنلر ایچون اون بش انکلز لیراسی قصورسنه رایچونده یکرمی انکلز لیراسی رسم آلنور . موقت حایه ایچونده بر انکلز لیراسی ویرمک لازمدر . بوسملرده سنهک ختامندن اول ویرمک اقتضا ایدر . فقط پانت دائرهمسی مفتش عمومیس آرزو ایتدیکی تقدیرده حد اعظمی اولهرق اون لیرا بر رسم منضم مقابلنده نهایت اوچ آی مهلت ویرر . دسک عدم اعطاسی حقوق اختراعیهک سقوطنی ایجاب ایدر . فقط انکلترده اختراعی ایشلمتمهین آدمک اختراعی سائط اولمز . اجانبده اختراع براتی آل بیلور .

آوستریا . — موضوعی ، استعمالی قوانینه مخالف ، اخلاق وآداب عمومیه منافاتی ، صحت مضر اولان شیلرله محصولات غذائی ، ادویه ، دساتیر نظریه وعلمیه ایچون اختراع براتی اعطا اولماز . باشقه سنک ایجاد ایتدیکی شیئی تکمیل ایتدیر نلرده اختراع براتی آل بیلورلر . فقط اصل مخترعک حقوقه رعایتدن وارسته اوله مازلر . اختراع براتلری حقنده ویرلن استدعا رغایت اینی تدقیق ایدیلور ، یعنی بعض مملکتلرک خلافت اولهرق تدقیقات اولیه اصولی جاریدر . بورادهم دولتک قوه بریه و بحریه سنه تأثیر ایدهمک اختراعات حکومتجه استمالک اولنور . اختراع براتلری اخره قابل تقدیر ؛ قابل رهندر .

مدت استدعایك journal de brevet دنیلن خصوصی غزتهده اعلانی تاریخندن اعتباراً اون بش سندهر . برنجی سنه یکریمی فیلورین و ایکنجی سنه یکریمی بش فیلورینه ویریلور . وبوصورتله هر سنه تزاید ایدر؛ او صورتله تزاید ایدرکه اون سنه نیکونی؛ ایکی بیک فلورینه بالغ اولور . اون فیلورین رسم منضم مقابلنده اوچ آی مهلت ویرر . اوچ سنه ظرفده اختراعك ایشلدلماسی ، رسمك تأدیه اولمماسی . حقوق اختراعه نك سقوطنی موجب اولور .

بایچقا . — بایچقاده تدقیقات ماقبله اصولی جاری دکلدر . بر اختراعك تکمیلی ایچون آلمان برات مدتی اصل برات ایله منقضی اولور .

مدت؛ استدعاسنك تقدیمندن اعتباراً یکریمی سندهر . ممالك اجنبیه دن ادخال اولنان اختراعك مدتی اومملکتده ویریلن براتك مدتیه محدوددر . اختراع براتلری ایچون استدعانامه لرده اختراعك توصیفی ، رسملری ، پلانلری و برده ادارمه ویریلن اوراقك بوردیروسی بولنق ایجاب ایدر . توصیفات فرانسزجه و یا آلمانجه اولمالیدر . بایچقاده اقامتگاهی اولمیان آدملر یا فرانسزجه ویرمچکلر یا خود بهمه حال فرانسزجه ترجمه سنیده برابر بولندیرمچقلدر . رسم؛ برنجی سنهده اون فرانق ، ایکنجی سنهده یکریمی فرانق اولوب هر سنه بویله اون فرانق تزاید ایدر . اون فرانق رسم منضم مقابلنده آلتی آی مدت مهلت ویریله بیلور . اجانبده اختراع براتی آلمق حقنه مالکدر .

ایشته کورلیوره که اکثر دولتلرک اختراع براتی حقنده کی نظاماتی یکدیگریه مشابه اولوب یالکیز تطبیقانه بعضی فرق واختلافات مشهود اولمقددر .